

Fáiselanama 1617R-007
Akhéri

ZETTÓT, Gura fuwain adde sómaj or uore dálíboudé nuksani adde 14bar or lassargoijjá kanun or hók ókkol or fúwán héfázot or híkka saái, Amerikár bor adalote *Plyer v. Doe* (1982) ot fáisela loiyéde ki honó aam eskul elaka ttú gura fuwaind óre hítarar imigrecén or nezám ór hálot or uore bór di taalim loot foon ottú rukíbar bunyad náí; ar

ZETTÓT, MPS Edarar polósi 1.04 ye hoóded, “Honó manúic óre Milwaukee Aam Eskul ókkol (Milwaukee Public Schools – MPS) ókkol or honó eskul ot góla arde fáida goráttu inkar gorá nozaibóu; yáto morod-maiya, zat, rong, qoumiot, nosól, aqida, dórmó, cóm, cádí, bafmaa, cáhwoti adot, gaa yá mon or hálot, forár komzuri, ańtur yáto héndilla kanun e hémáyot goijjéde honó hásiyót or míkka saái, eskul or honó kitabi, bekitabi, khédmot yáto program, yáto ham ókkol ot forók gorá nozaibóu”; ar

ZETTÓT, Milwaukee Public Schools (Yaarbaade, “MPS”) or nozoriya ye hoóded, “Eskul ókkol hóde híin mahfúz zaga, baráilooiya, bála-toiyar goijjá, ar lootfaazade sómaji morkoz ókkol, zían e fottizon or hájot fura goríbou”; ar

ZETTÓT, Ze honó wojá loi, dóńok doon yáto forók goróon eskuilla fuwaindór malsámana adde héfázot or ehésas gorédde hían ollá nuksan, ar MPS e honó doilla forók gorá, tong gorá, yáto hárami gorá ré bordac nogoríbou; ar

ZETTÓT, Amerikár Imigrecén adde Hoctom Karuwai (ICE) goróoiya zimmadar ókkol ottú benezámi manúic dóribar hók aséde hían oré MPS e eetebar goré, ar karuwai gán goríbar moksód loi ICE zimmadar ókkol eskul or gírar bútóre gólibar kucíc gorít fare; ar

ZETTÓT, Bafmaa adde eskuilla fuwain ókkol e hítarar gór ókkol félai fuwain eskul ot difeçóon ar/yá barái doon ot MPS or hańsé dor zahér goijjé, ar elakar eskul ókkol adde program ókkol or duwara K-12 maana aam taalim lootfaibar hók zahér goijjé; ar

ZETTÓT, honó hásti yá tonzim eskul or gírat góllile, taalimi entezam hóraf ódde súurot ot, gólibar ejazot nodoon gán MPS eskul or polósi; ar

ZETTÓT, Eskul or bam or bútóre yá dhákottú ICer hórkot ókkol e eskuilla fuwaindór foráforír mahóul adde taalimi entezam ókkol oré becí nuksani gorítfarede hían MPS e biccác gore; ar

ZETTÓT, Eskul or bam or bútóre adde dáke ICer hórkot ókkol or zoriya nuksani aiyéde hían oré zeddúur fare kanuni rasta loi oousíbar karuwai goríbou dé hían, eskuilla fuwain, sońoiija ókkol, fémlí ókkol adde MPS sómaj or laf olláboli hoi MPS e biccác goré; ar

ZETTÓT, honó eskul elaka ye ICE ré imigrecén kanun salaibár modod goríbou hoi, honó leikká esthéith yá federal kanun e noóhoó; ar

ZETTÓT, Decór Amón Dipárment (Department of Homeland Security) ttú 2011 ot neelaiyéde kitab or ICE polósi ye hoóded ki federal kanun saloiya zimmadar ókkol or háas ejazot sára eskul ókkol or doilla atáicca zagat imigrecén karuwai sola nozaibóu, zetó din fuijonto otirotto zoruri hálot yátó polósi gán behar nóoiyo; ehón, hétolla, yaán

FÁISELA GORÁGIYÉ, Dé ki imigrecén or karuwai yáto forók gorá ye dóńk derdde eskuilla fuwain adde fémlí ókkol ollá, MPS ekkán baráilooiya ar mahfúz eskul or mahóul bolihóí Milwaukee Eskul Salooiyar Buúd é eelan gorér, ar héndilla karuwai ré kanun e akhéri zeddúur ejazot de mukabela gorá zaibou; ar yáan

ARÓ FÁISELA GORÁGIYÉ, Dé ki ekkán baráilooiya ar mahfúz mahóul hísabe Buúd é hédmactor oré hokum goijjédé:

1. ehón nuwa gorí soledde ICER hórkot ókkol oré juwab doon adde ousóon ot eskuilla fuwain adde fémlí ókkol oré modod dibollá sómaji tonzim ókkol, kaanuni khédmot dooíya ókkol adde sómáji khédmotgar ókkol loi mili Elakar Imigrecén Buddí dooíya gurúp ekgwá 30 din or bútoe banaibólla. Aró, ICE yáto ekgwá kaanun salooíya egensí ye gereftari goróon or zoriya, eskul ot uçédde honó gura fuwa zodi eskul or baaré doñór maincór saásita, murubbianai, yá woli-giri ttú, federal kaanun solai bár karuwair zoriya maárúm ódde súurot ot, elaka ye zoruri emargensi manúic yá fuwaindór khédmotgar loi tallukat goróon ot ehón aséde polósi adde torika ré mani zaibou, zodi munaséb murubbianai tuwai nofaillé.
2. Kaanuni mocwara dooíya loi biyasana goríbáccot, ICE adde kaanun salooíya nomaenda ókkol loi tallukat goróon or baabote, eskuilla fuwain adde fémlí ókkol oré modod adde wusíla dibollá dui zubani maalumat adde dehóoni ókkol toiyar rakíbólla;
3. Muháajer adde eskuilla fuwain ar hítárar fémlí ókkol or wusíla hísabe khédmot goribollaboli ek zon soñoiija fotti eskul ot ar homot ek zon wusílar manúic morkozi ofís ot thík gorí rakíbólla, zibáre imigrecín or ukil hísabe khédmot goríbar tennín diyagiyé, ar híbattu muháajer adde benezámi manúic ókkol loi ham goríbar maalumat táke;
4. MPS or bam ókkol oré muháajer eskuilla fuwain adde fémlí ókkol ollá usíla ar maalumat or mahóul banai rakíbólla;
5. Eskul or bam ókkol or bútoe adde dáke benezámi fuwain adde hítárar fémlí ókkol ollá baráilooiya adde mahfúz mahóul ekkán banaibár kháatere cóor adde maicór or nomaenda ókkol loi mili ham goríbólla; ar
6. Morkozi ofís or soñoiija ókkol, edaarar zimmar adde ókkol, nosíyot goróoiya ókkol, mactor ókkol, fecáwalar modod dooíya ókkol bekkún oré fecár torkir mouka, ar muháajer adde refugee eskuilla fuwain ókkol hítárar hók ókkol or babote maalumat faibar usíla ókkol, koléij or tennín, maali cáaijjór mouka ókkol adde Amerikár bácíndaair torika ókkol or cómmónde maalumat dibólla; ar yaán

ARÓ FÁISELA GORÁGIYÉ, Dé ki Buúd é hédmactor adde mutain goijjá zimmar adde óre lamar ham gín goríbólla adde ekkán torika banaibólla icára goijjé, zodi hóbor sára yáto eskul elakat gólibar niyot asé hói eskul or bam or soñoiija ré hóbor di ICE ailé:

- Eskul or bam ot thík goijjá soñoiija wáttu fótafót hédmactor yá mutain goijjá zimmar adde or ofís ot ICER manúic ókkol yáto imigrecén or kaanun salooíya ókkol eskul or bam ot asé boli hoi hóbor diyaforibóu;
- Honó fuwaind ór maalumat imigrecén kaanun salooíya ókkol adde ICER maincóre deháibar agottú yáto eskul or bam ot góiltóu dibar age, hítára dehádde kaanuni habosfonna, waarin yáto notís or cómmonde biyasana goribólla adde duwárai saibólla, hédmactor yáto mutain goijjá zimmar adde ottú toratori MPS or kaanuni mocawara dooíya loi tallukat gorá foribóu;
- Eskul or bam ot thík goijjá aséde soñoiija ttú ofísár ókkol yáto ukil ókkol or foriso luwa foríbou, ar ICER ofísár ókkol e dehádde kaanuni habosfonna adde waarin ókkol fothúkofi goríloi toratori hédmactor yáto mutain goijjé zimmar adde or hañsé foñósá foribóu;
- Nam dóijja fuwa wá eskul ot aséné, yáto eskul or ekgwá fuwa, híbar sóbók or taim, yáto fémlir maalumat cóo, honó maalumat oré eskul or bam ollá thík goijjé soñoiija ye honó hálot ot zahér gorí nofaríbou;
- Kióllabolihoilé, fuwaindór balang dehár uore MPS or polósi adde torika, Cáríd fuwaindór Balang ókkol, Wisconsin State or Kaanun §118.125, Fémlir Taalimi Hók adde Amanot or Kaanun (FERPA) cóo, kintu

bana iín noó, honó esthéith yá federal kanun motabek, MPS eskul or aam polóisir bútóre aséde ki honó hásti yá tonzim oré, hítárar gólar zoriya taalimi entezam or nuksani óile, eskul or bam ot gólítou nodoon, thík goijjá soñoiija ttú ICE yáto imigrecén or maincóre ei hotá gán zanai diya foríbóu, ar huwá foribóudé ki eskul or bam ot gólité yáto honó fuwaindór maalumát loite hédmactor yáto mutain goijjá zimmadar loi tallukat gorí ejazot luwa foribóu, ICer manúic ókkol e eskul or bam ot gólibar yáto honó fuwaind ór maalumát faibar agottú; ar yaán

ARÓ FÁISELA GORÁGIYÉ, Dé ki MPS or soñoiija ókkol, dak looiya ókkol, biyardooiya ókkol adde nomaenda ókkol ottú, honó hotá zahér goribár age, honó esthéith ya federal kaanun e soon yáto háas torika motabek zoon sára, Amerikár benezámi manúic ókkol óré dóríbollá yá hítárar babote dutiyai goribólla, elakar asbab ókkol estemal goróon nosaá; ar yaán

ARÓ FÁISELA GORÁGIYÉ, Dé ki MPS or soñoiija ókkol, dak looiya ókkol, biyardooiya ókkol adde nomaenda ókkol e honó fuwaindóre yáto hítárar bafmaa ókkol oré, hítárar imigrecén nezám or hálot or hotá neelaibólla súwálasalí gorí nofaríbóu; ar yaán

ARÓ FÁISELA GORÁGIYÉ, Dé ki MPS or soñoiija ókkol, dak looiya ókkol, biyardooiya ókkol adde nomaenda ókkol e imigrecén yá ICer hañsé honó fuwaind ór yá fémlir imigrecén nezám ór hálot zahér gorí nofaríbou, héndilla gorité esthéith yá federal kaanun e saádde úwáforibóu, ar elakar zimmadar ottú mana foribóude torika motabek zaaforibóu; ar yaán

ARÓ FÁISELA GORÁGIYÉ, Dé ki MPS or soñoiija ókkol, dak looiya ókkol, biyardooiya ókkol adde nomaenda ókkol e imigrecén yá ICer maincór hañsé elakar honó fuwaindór maalumát zahér gorí nofaríbóu, zaré FERPA, esthéith yá federal kaanun, MPS polósi yáto eskuilla fuwaindór balang or cómmonde torika ye sóñoillé, héndilla gorité esthéith yá federal kaanun e saádde úwáforibóu, ar elakar zimmadar ottú mana foribóude torika motabek zaaforibóu; ar yaán

ARÓ FÁISELA GORÁGIYÉ, Dé ki honó ICE yá imigrecén or maincóre, hítárar kaanun solaibár moksóde honó elakar eskul ot dairík focítou diya nozaibóu, ar hítára ré uzuzu hédmactor yáto mutain goijjá zimmadar or háñsé difeçá zaibou; ar yaán

ARÓ FÁISELA GORÁGIYÉ, Dé ki fuwaindór amanot or héfázot ekbere bála óiyedé hían yekini óibólla MPS e fuwaindór balang sóñolar polósi adde karuwai ré duwárai saibóu; ar yaán

ARÓ FÁISELA GORÁGIYÉ, Dé ki elakar karuwair fotti sáid ot ei fáiselanamar borabor óiyené saibólla Buúd é edaara ré elakar polósi ókkol, torika ókkol adde karuwai ókkol furafuri duwárai saibár hokum goríbou; ar yaán

ARÓ FÁISELA GORÁGIYÉ, Dé ki Elaka ye ei fáiselanama gán ór furussaf nuskha fottí eskul or bam ot takidibou, ar elakar fotti soñoiija, eskuilla fuwa, adde fémlí ókkol or hañsé tallukat or nittir wusílar zoriya fóilaibou, ar ei fáiselanama gán eskuilla fuwaindé górot hoódé zuban ot báñgibollá MPS e maakul torika ókkol ekhteyar goríbou; ar yaán

ARÓ FÁISELA GORÁGIYÉ, Dé ki honó polósi yáto torika ré ei fáiselanama motabek óibolla lassar goráfoille yáto duwárai nozor diyafoille, Epril 2017 Buúd ór Boiçók ottú aró deri nogorí, izin ollá Buúd ót tulá zaibou; ar yaán

ARÓ FÁISELA GORÁGIYÉ, Dé ki Buúd é fotti eskuilla fuwain adde soñoiija ré fúwáinna sóñolibolla nizor cóktir bútoze zañá fare goríbóu.